



Ataatsimoorluta pisuussutitta uuliap, atortussiassaattitta, imiutitta nukissiutittalu qanoq iliorluta sakkortunerusumik pilerisaarutigisinnaanerigut pillugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Randi Vestergaard Evaldsen, Demokraatit)

Aallarniutigalugu Inatsisartunut ilaasortaq Randi Vestergaard Evaldsen qutsavigerusuppara manna apeqquteqaat aallaavigalugu oqallinnissamik siunnersuutaa pillugu. Siunnersuut ilaatigut aamma pitsaasumik periarfissiivoq pisortat suliffiutaasa kiisalu namminersortut suliffiutaasa ataqatigiinneri pillugit oqallinnissamut.

Ataquli erseqqissumik oqaatigilara siunnersuuteqartup siunnersuumminut tunngavilersuutai tamarluinnaasa isumaqatigigakkit. Aammami eqqumiissagaluqaq taamaaliunngikkuma, parteeqatigiikkattami. Taamaattumik tunngavilersuutai uteqqissanngilakka sammissavarali Naalackersuisut akissutaat.

Naalackersuisut arlaleriarlutik oqaatigaat avammut niuernermit isumalioqatigiisitat naleqassusertik takuttariaqaraat. Paatsoortoqaqqunagu oqaatigissavara Demokraatini avammut niuernerut isumalioqatigiisitamik pilersitsinissaq itigartinnikuugatsigu ilaatigut pisortat suli annertumik allaffissorinissaat kinguneriinnartussaammagu. Avammut niuernermit isumaqalioqatigiisitat allatut oqaatigalugu pisortat allaffissornerannik allisaaginnartussaavoq. Demokraatini kissaatigaarput allaffissornerup millisarnissaa; kissaatigaarput pisortat ingerlatsiviisa minnerulernissaat paarlattuanillu sullivinni namminersortuni suliffit amerlanerulissasut.

Taamaattumik kissaatigaarput pisortat ullumikkut ingerlattagaasa suli amerlanerusut namminersortunut tunniunneqartalernissaat. Unammilleqatigiinneq pilersinneqassaaq tamatumalu kingunerissavaa suut tamarmik pitsaanerusumik ingerlanneqalerneru aamma akikinnerusumik. Pisortat ingerlataat avammut niernermit isumalioqatigiisitat siunertatsinnut iluaqusiinaviangilaq.

Uannut ersarilluinnarpoq matuma siunnersuutip ersersimmagu liberalimik socialistiskimillu eqqarsarnerit qanoq assigiinngitsigisut. Allaangilaq Naalackersuisut isumaqarput pisortat sunut tamanut ingerlatsillaqqinnersaasut. Tassunga atatillugu erseqqissaassutigilaaginnassavara Demokraatini taamatut isumaqannginnatta. Isumaqarpugut suli amerlanerusut namminersortunut isumagissanngortinneqartariaqarautut.



Pisortaqarfinni atorfillit iluanaarniarnissamik eqqarsarnej ajorput aammami tamanna suliassarinnigilaat. Taamaattumik isumaqarpugut pisortaqarfinni atorfiit tassaannigitsut iluanaarniutissanut aaqqiissutissanik eqqarsallaqqinnerpaasut soorlu pineqartillugit niuernej aamma pilerisaarnej. Namminersorluni suliffiutilik tunngavissarissaarnerusussaavoq iluatsitsinissaminut.

Naalackersuisut akissutiminnik aamma erseqqissarpaat aatsitassaatitta pilerisaarutigineri ingerlalluartoq. Tassunga uanga isumaqataannigilanga. Aatsitassarsiorfiit qassit massakut ingerlappat? Uuliasiorfiit qalluiffiusut qassiuppat? Imerkik tunisassiorfiit qassit pigivagut? Akissutissai qiimmaallannangivipput. Sualummik qiviarutisigit aatsitassarsionnissamut pilerisaarutit assigiinngitsut aamma aatsitassarsiornej pillugu nassuiaatit Naalackersuisut suliarisarsimasaat ukiut kingullit qulit ingerlanerini. Tassani isumaqatigiissutigisinnaagunarparput Naalackersuisut isumaat naapertorlugu periarfissaasut atorluarneqarsimangivipput.

Imaannigilarli Naalackersuisut aatsitassarsionnermi iluatsitsinerliorsimanagerat pilerisaarinerlunnerinnarmik pissuteqarsimasoq. Pissut allat aamma apeqqutaaqataapput, pisulli takutippaat suna tamaat pisarnitsitut ingerlatiinnartariaqanngikipput. Tunngavissaqanngilagut taamaaliussalluta.

Eqikkaassagutta Demokraatit isumaat paatsoorneqarsinnaanngilaq. Isumaqarpugut aatsitassarsiornej nukittorsarnejartariaqartoq pilerisaarinerit aamma niuernermut tunngasut allat namminersortunut tunniunnerisigit. Naalackersuisulli isumaat killormoorpoq.

Pissaganarpoq partiit allat qanoq isummersussanersut.

Taamatut oqaaseqarlunga neriuppunga kusanartumik oqallikkumaartugut.